

**Bosna i Hercegovina
Federacija Bosne i Hercegovine
ZENIČKO-DOBOJSKI KANTON
Ministarstvo za pravosuđe i upravu**

**IZVJEŠTAJ
o realizaciji Programa kapitalnih ulaganja za 2008. godine
Ministarstva za pravosuđe i upravu**

Zenica, februar 2009. godine

I – UVOD

Budžetom Zeničko-dobojskog kantona za 2008. godinu Ministarstvu za pravosuđe i upravu na razdjelu 16, budžetska organizacija 01, potrošačka jedinica 0001, ekonomski kod 821200, pozicija „Nabavka građevina“ opredjeljena su sredstva u ukupnom iznosu od 1.000.000,00 KM. Programom utroška sredstava za kapitalna ulaganja za 2008. godinu-nabavka građevina, sredstva u iznosu od 1.000.000,00 KM su opredjeljena za izgradnju zgrade Općinskog suda u Tešnju koji je prema ocjeni u najnepovoljnijem položaju u odnosu na ostale sudove jer koristi I sprat u zgradi općine Tešanj, a prekršajno odjeljenje se nalazi na drugoj lokaciji.

Vlada Zeničko-dobojskog kantona na svojoj 52. sjednici, održanoj 19.03.2008. godine Zaključkom broj: 02-14-11660/08 od 19.03.2008. godine usvojila je Program utroška sredstava za kapitalna ulaganja za 2008. godinu-nabavka građevina Ministarstva za pravosuđe i upravu, a na 61. sjednici održanoj 14.05.2008. godine Odlukom broj: 02-14-16937/08 od 14.05.2008. godine odobrena su finansijska sredstva u iznosu od 1.000.000,00 KM za izgradnju zgrade za potrebe Općinskog suda u Tešnju, s tim da će se isplata vršiti u skladu sa prilivom sredstava u Budžet Zeničko-dobojskog kantona za 2008. godinu. Donošenjem navedenih akata stvoreni su uslovi za korištenje novčanih sredstava.

II – UTROŠAK SREDSTAVA

Ministarstvo za pravosuđe i upravu je po usvajanju Budžeta Zeničko-dobojskog kantona počelo sa aktivnostima na realizaciji izgradnje zgrade Općinskog suda u Tešnju i u toku 2008. godine obezbjeđeno je zemljište, urađen glavni projekat i revizija glavnog projekta, saglasnosti komunalnih preduzeća, obezbjeđena urbanistička i građevinsku dozvolu, provoden postupak izbora izvođača radova i nadzora u skladu sa Zakonom o javnim nabavkama, zaključeni ugovori o izvođenju radova i nadzoru, hronološki kako slijedi:

- Urbanistička dozvola, Rješenje broj: 05/1-23-1-1466/08 od 28.04.2008. godine
- Rješenjem Općinskog vijeća Tešanj broj: 01-31-1-48-6/08 od 28.05.2008. godine dodjeljeno neizgrađeno gradsko građevinsko zemljište za potrebe izgradnje zgrade suda u Tešnju u naselju Krndija površine 1.342 m².
- Saglasnosti javnih preduzeća na lokaciju objekta i načelne saglasnosti za priključenje na vodovod, kanalizaciju, vrelovod, elektro mrežu,
- Dana 27.05.2008. godine potpisan Memorandum o razumjevanju sa USAID-Sektor za razvoj pravosuđa kojim su obezbjeđena sredstva u iznosu od 24.948,00 KM za izradu Glavnog projekta zgrade Općinskog suda u Tešnju,
- Dana 14.08.2008. godine dostavljen Glavni projekat zgrade Općinskog suda u Tešnju nakon što su otklonjeni nedostaci po nalogu revizije. Glavni projekat nije obuhvatio vanjsko uređenje i to će biti predmet posebnog postupka.
- Građevinska dozvola, Rješenje broj: 05/1-23-2-4075/08 od 01.09.2009. godine
- Objavljena obavijest o nabavci, „Službeni glasnik“ broj: 70 od 01.09.2008. godine
- Dana 18.11.2008. godine sa „Geosonada“ d.o.o. Zenica zaključen Ugovor o građenju zgrade Općinskog suda u Tešnju po sistemu „ključ u ruke“ sa rokom za izvođenje od 175 dana i cijenu od 797.903,27 KM, bez vanjskog uređenja
- Dana 19.11.2008. godine sa „Omega“ d.o.o. Tešanj zaključen Ugovor o nadzoru nad izvođenjem radova za cijenu od 9.945,00 KM.
- Dana 24.11.2008. godine svečano položen kamen temeljac za zgradu Općinskog suda u Tešnju,
- Dana 05.12.2008. godine počeli radovi u skladu sa Dinamičkim planom gradnje

Ugovorena vrijednost usluga i radova, te plaćanje po fakturama u 2008. godine je prikazano u tabeli:

| Redni broj | Naziv-opis | Ukupan iznos | Utrošeno u 2008.godini | Ostalo za plaćanje |
|------------|--|----------------------|------------------------|----------------------|
| 1. | Ugovor o građenju – „Geosonda“ d.o.o. Zenica | 797.903,27 KM | 239.370,98 KM | 558.532,29 KM |
| 2. | Ugovor o nadzoru nad izvođenjem radova „Omega“ d.o.o. Tešanj | 9.945,00 KM | 4.972,50 KM | 4.972,50 KM |
| 3. | Saglasnosti, revizija, ispitivanje tla i dozvole | 13.085,03 KM | 13.085,03 KM | 0,00 KM |
| | UKUPNO: | 820.933,30 KM | 257.428,51 KM | 563.504,79 KM |

Dakle, od ukupno planiranih 1.000.000,00 KM, u 2008. godini potrošeno je 257.428,51 KM, a stvorene su obaveze u iznosu od 563.504,79 KM koje treba obezbjediti u Budžetu Zeničko-dobojskog kantona za 2009. godinu. Napominjemo, da je Odlukom o privremenom finansiranju za period januar-mart 2009. godine za plaćanje izvođačima radova rezervisano 200.000,00 KM.

Budući da je završetak radova na izgradnji zgrade Općinskog suda u Tešnju prema ugovoru planiran u junu mjesecu, a Ugovorom o građenju po sistemu „ključ u ruke“ nije ugovoreno vanjsko uređenje, za završetak radova neophodno je obezbjediti idejno rješenje i glavni projekat vanjskog uređenja, te ugovoriti radove.

Da bi se zgrada Općinskog suda u Tešnju završila i predala na upotrebu neophodno je u Budžet Zeničko-dobojskog kantona za 2009. godinu na razdjelu 16, budžetska organizacija 01, potrošačka jedinica 0001, ekonomski kod 821200, pozicija „Nabavka građevina“, planirati sredstva u iznosu od 800.000,000 KM, a koja bi se koristila za plaćanje ugovorenih obaveza u skladu sa dinamikom gradnje u iznosu od 563.504,79 KM, te 236.495,21 KM za vanjsko uređenje (idejno rješenje, glavni projekat, radovi na priključenju objekta na infrastrukturu, te uređenje prostora).

Ministarstvo za pravosuđe i upravu